

Հ Ա Շ Վ Ե Տ Վ ՈՒ Թ Յ ՈՒ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2016 ԹՎԱԿԱՆԻ
ԳՈՐԾՈՒՆԵՈՒԹՅԱՆ ԿՐԹՈՒԹՅԱՆ ՈԼՈՐՏԻ ՄԻՋՈՑԱՌՈՒՄՆԵՐԻ ԾՐԱԳՐԻ ԵՎ
ԳԵՐԱԿԱ ԽՆԴԻՐՆԵՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻ ՄԱՍԻՆ
(սեղմագիր՝ զանգվածային լրատվական միջոցներին տրամադրելու համար)

«Կրթության բարելավում» վարկային ծրագրի շրջանակներում ՀՀ Արմավիրի, Տավուշի և Լոռու մարզերի 24 համայնքներում նորաստեղծ նախակրթարաններում իրականացվել են տարածքների բարեկարգման, գույքով համալրման աշխատանքներ, ձեռք են բերվել անհրաժեշտ ուսումնամեթոդական նյութեր, խաղալիքներ և գրենական պիտույքներ: Բոլոր 24 հաստատությունները բնականոն գործում են և դրանցում ընդգրկված են շուրջ 750 երեխա: Վերապատրաստվել են նաև 24 նախակրթարաններում ընդգրկված թվով 55 դաստիարակ:

«Կրթության բարելավում» վարկային ծրագրի շրջանակներում իրականացվել են 12 ավագ դպրոցների շենքերի նախագծա-նախահաշվային փաստաթղթերի մշակման աշխատանքները, որոնք համաձայնեցման փուլում են Համաշխարհային բանկի հետ:

ՀՀ կառավարության որոշմամբ հաստատվել է կրթության գերազանցության ազգային ծրագրի շրջանակներում մշակված «Արարատյան բակալավրիատ» կրթական ծրագրի ներդրման գործընթացը ՀՀ մարզերի հանրակրթական պետական ուսումնական հաստատություններում: Սահմանվել է նաև, որ «Արարատյան բակալավրիատ» ծրագիր իրականացնող ուսումնական հաստատությունների շրջանավարտների ՀՀ բուհեր ընդունելության քննություններն իրականացվում են Արարատյան բակալավրիատին հատկացված նպատակային տեղերի շրջանակում:

Հանրակրթական դպրոցներում ազգային փոքրամասնությունների կարողությունների զարգացման նպատակով իրականացվել է 4 անուն դասագրքի վերահրատարակում, ինչպես նաև հանրակրթական դպրոցների «Եզդիերեն լեզու և գրականություն» առարկայի 31 ուսուցիչների վերապատրաստում:

Մասնագիտական կրթության և ուսուցման (ՄԿՈՒ) պլանավորման ու կատարողականի կառավարման կարողությունների հզորացման նպատակով իրականացվել են վերապատրաստման դասընթացներ, որին մասնակցել են 75 ՄԿՈՒ ուսումնական հաստատությունների շուրջ 145 տնօրեններ, փոխտնօրեններ, վարչական աշխատողներ՝ 7 խմբերով, որոնցից 4-ը՝ Երևան քաղաքում, 3-ը՝ ՀՀ Սյունիքի, ՀՀ Շիրակի

և ՀՀ Լոռու մարզերում: Վերապատրաստման դասընթացներին մասնակցել են նաև ՄԿՈՒ հաստատությունների թվով 934 դասախոսներ և արտադրական ուսուցման վարպետներ ու կառավարման խորհրդի թվով 41 անդամներ:

ՀՀ 5 պետական ոչ առևտրային կազմակերպության կարգավիճակ ունեցող պետական բուհեր վերակազմակերպվել են հիմնադրամների, իսկ 3 պետական բուհեր ստացել են ինստիտուցիոնալ հավատարմագրում՝ 4 տարի ժամկետով:

Նորարարությունների մրցակցային հիմնադրամի (ՆՄՀ) շրջանակներում ընթացքում է եղել նորարարական ծրագրերի իրականացումը 6 բարձրագույն ուսումնական հաստատությունների կողմից: Ծրագրերի իրականացման ընթացքում մասնագիտական աջակցություն ցուցաբերելու նպատակով ընտրվել են ոլորտային փորձագետներ, որոնք տարվա ընթացքում տրամադրել են անհրաժեշտ խորհրդատվությունը: Կազմակերպվել և իրականացվել նաև է ՆՄՀ շրջանակներում բուհերին դրամաշնորհների տրամադրման հավելյալ փուլի մրցույթը: Արդյունքում ներկայացվել է ինը հայտ ութ բուհերի կողմից: Գնահատման արդյունքում կնքվել են պայմանագրեր 6 բուհերի հետ:

ՀՀ կառավարության 2016 թվականի գործունեության միջոցառումների ծրագրով նախատեսված ՀՀ կրթության և գիտության նախարարության 6 միջոցառումները կատարվել են սահմանված ժամկետներում: